



«ԻՆՏԵՐԱԿՏԻՎ ԿՐԹՈՒԹՅԱՆ ԶԱՐԳԱՑՈՒՄ» ՀԻՄՆԱԴՐԱՄ

ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ ԴԱՍԸՆԹԱՑ 2022

ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ - <<ԲԱՌ>> ՀԱՍԿԱՑՈՒԹՅԱՆ ԴԱՍԱՎԱՆԴՈՒՄԸ:
ԲԱՌԱԿԱԶՄԱԿԱՆ ՏԱՐՐԱԿԱՆ ԳԻՏԵԼԻՔՆԵՐԻ ԴԱՍԱՎԱՆԴՄԱՆ
ՁԵՎԵՐՆ Ու ՄԵԹՈԴՆԵՐԸ ՏԱՐՐԱԿԱՆ ԴՊՐՈՑՈՒՄ:

ԱՌԱՐԿԱ- ՄԱՅՐԵՆԻ

ՀԵՂԻՆԱԿ - ԱՍՅԱ ՖՐԻՑԻ ՂԱԶԱՐՅԱՆ

ՄԱՐԶ - ՇԻՐԱԿ

ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ - <<ԳՅՈՒՄՐՈՒ ԹԻՎ 20 ՀԻՄՆԱԿԱՆ ԴՊՐՈՑ>> ՊՈԱԿ

Բովանդակություն

| | |
|--------------------------------------------------------------------------------------------------------------------------------|----|
| Ներածություն..... | 3 |
| <<ԲԱՌ>> ՀԱՄԿԱՑՈՒԹՅԱՆ ԴԱՍԱՎԱՆԴՈՒՄԸ: ԲԱՌԱԿԱԶՄԱԿԱՆ ՏԱՐՐԱԿԱՆ ԳԻՏԵԼԻՔՆԵՐԻ ԴԱՍԱՎԱՆԴՄԱՆ ՁԵՎԵՐՆ ՈՒ ՄԵԹՈԴՆԵՐԸ ՏԱՐՐԱԿԱՆ ԴՊՐՈՑՈՒՄ..... | 5 |
| 1.Բառագիտության և նրա դասավանդման համառոտ պատմություն..... | 5 |
| 2.Բառակազմական տարրական գիտելիքների դասավանդումը:..... | 8 |
| Եզրակացություն | 18 |
| Գրականության ցանկ..... | 19 |

Ներածություն

Հանրակրթության զարգացման ներկա փուլում կարևոր խնդիր է համակողմանիորեն զարգացած, բարոյական բարձր հատկանիշներով օժտված անհատի ձևավորումը:

Հարուստ բառապաշար ունենալու, գեղեցիկ, ճիշտ գրավոր և բանավոր խոսք կառուցելու կարողությունների ձեռքբերումը անհնարին է առանց լեզվական իրողությունների իմացության:

Ճանաչելով մայրենիի օրենքները՝ աշակերտները լայն հնարավորություն են ձեռք բերում ճշտգրտորեն արտահայտելու իրենց մտքերը, գիտակցորեն հասկանալու կարդացածը:

Հանրակրթության նոր կրթակարգի ծրագրին համապատասխան ձևավորվել են մայրենի լեզվի հետևյալ **խնդիրները**՝

1. Հաղորդել աշակերտներին հայերենի լեզվական համակարգի մասին հիմնավոր և կայուն գիտելիքներ,
2. Հնարավորինս ուսուցանել լեզվական միավորների օրինաչափությունները բուն խոսքի մեջ,
3. Նպաստել աշակերտների բառապաշարի հարստացմանը,
4. Լեզվական գիտելիքները ծառայեցնել սովորողների խոսքաշինական կարողությունների զարգացմանը, լեզվական ճաշակի ձևավորմանը:

Հանրակրթական նոր կրթակարգի համաձայն՝ տարրական դպրոցում «Բառագիտություն» թեմայի ուսուցումն սկսվում է երկրորդ դասարանից և շարունակվում մինչև չորրորդ դասարան: Ծրագրի պահանջով թեման ընդգրկված է 2009-2011թթ. ՀՀ կրթության և գիտության նախարարության կողմից հաստատված 2-4-րդ դասարանների մայրենիի դասագրքում¹ (հեղինակներ՝ Կարինե Թորոսյան, Հեղինե Խաչատրյան, Վաչագան Սարգսյան, Կարինե Զիբուխյան):

«Բառագիտություն» թեմայի ուսուցման ձևերը և մեթոդները մեթոդական կավարժական գրականության պատմության մեջ լուսաբանվում են մի շարք արժեքավոր աշխատություններում: Բառագիտության դասավանդման մեթոդիկայի

¹ Հայոց լեզու և գրականություն, Հանրակրթական դպրոցի առարկայական չափորոշիչ և ծրագիր, Երևան, «Անտարես» հրատ., 2006թ.:

հարցերին մեթոդաբանական գրականության մեջ անդրադարձել են Գ. Էդիլյանը, Տ. Շահբազյանը, Ա.Տեր-Գրիգորյանը, Ս.Գյուլբուդադյանը, Ջ. Գյուլամիրյանը և ուրիշներ:

Թեմայի արդիականությունը: <<Բառագիտություն>> թեմայի ուսուցման ուղղությամբ մեր կողմից մշակված մեթոդական համակարգը, կօժանդակի տարրական դպրոցում բառագիտական գիտելիքների խոր, արմատական յուրացմանը, մտածողության, ոճական-արտահատչական կարողությունների ընդլայնմանը:

Հետազոտության նպատակը: Ուսումնասիրության նյութ դարձնելով բառի իմաստաքերականական հատկանիշների ուսուցումը տարրական դպրոցում՝ նպատակադրվել ենք համագործակցային մեթոդների հիման վրա ստեղծել թեմայի արդյունավետությունը բարձրացնող մեթոդական համակարգ, որի կիրառումը կնպաստի <<Բառագիտություն>> թեմայի յուրացմանը, աշակերտների բառապաշարի հարստացմանն ու խոսք կառուցելու հմտությունների մշակմանը:

<<Բառագիտություն>> թեմայի ուսուցման ուղղությամբ կիրառել ենք համագործակցային ուսուցման մեթոդների հետևյալ համակարգը՝

Մտագրոհի մեթոդ , քարտային աշխատանքի մեթոդ, խառնված հերթականության մեթոդ, T-աձև աղյուսակի, Կենաց ծառի, Վենի դիագրամ, ճանաչողական և կիրառական վարժությունների, մոդելավորման, հարցարանի մեթոդ:

**<<ԲԱՌ>> ՀԱՄԿԱՑՈՒԹՅԱՆ ԴԱՍԱՎԱՆԴՈՒՄԸ: ԲԱՌԱԿԱԶՄԱԿԱՆ
ՏԱՐՐԱԿԱՆ ԳԻՏԵԼԻՔՆԵՐԻ ԴԱՍԱՎԱՆԴՄԱՆ ՁԵՎԵՐՆ ՈՒ
ՄԵԹՈԴՆԵՐԸ ՏԱՐՐԱԿԱՆ ԴՊՐՈՑՈՒՄ**

1.Բառագիտության և նրա դասավանդման համառոտ պատմություն

Մարդկային լեզվի իմաստային հիմնական միավորը բառն է: Լեզուն թեև իր հաղորդակցման կարևոր դերը նախադասության շնորհիվ է կատարում, բայց, այնուհանդերձ, բառը մնում է իբրև լեզվի հիմնական, կենտրոնական միավոր:

Մ.Աբեղյանը բառ է համարում իմաստ ունեցող մեկ հնչյունը կամ հնչյունների կապակցությունը: ²

Գ. Ղափանցյանը բառի իր բնորոշման մեջ նշում է նախադասության մեջ նրա ինքնուրույն, շարժուն, ձևավորված և իմաստային տեսակետից անբաժան միավոր լինելու և շեշտ կրելու հատկանիշները:³

Բառի՝ իբրև լեզվական միավորի հիմնական հատկանիշները հետևյալներն են՝

ա/ հնչյունական ձևավորվածությունը (բառի հնչյունական կազմը),

բ/ բառաիմաստական հատկանիշը (բառի բառային իմաստը),

գ/ քերականական հատկանիշը (բառի ձևաբանական կառուցվածքը),

դ/ շեշտի առկայությունը:

Բառագիտության դասավանդումը տարրական դպրոցում սկսվում է բառի մասին գաղափար տալով: Դա նպատակահարմար է կատարել *ԽԻԿ* համակարգով:

Խթանման փուլում ուսուցչուհին գրատախտակի վրա գրում է ***դռու, ուռղ*** և ***դուռ*** հնչյունակապակցությունները:

Հարց դասարանին.

-Ինչո՞վ են տարբերվում գրված հնչյունակապակցությունները:

Աշակերտները կարդում են և գտնում , որ առաջին երկուսը ոչինչ չեն նշանակում, իսկ վերջինը՝ ***դուռ***-ը, ունի որոշակի իմաստ և հանդիսանում է մեզ բոլորիս քաջ ծանոթ առարկայի անվանում:

Իմաստի ընկալման փուլ:

² Մ.Աբեղյան, Հայոց լեզվի տեսություն, Երևան, 1965թ. էջ 5:

³ Գ.Ղափանցյան, Ընդհանուր լեզվաբանություն, Երևան, 1939թ., էջ8:

Կիրառում ենք **քարտային աշխատանքի** մեթոդը:

Յուրաքանչյուր խմբի առաջադրվում է քարտ, որտեղ գրված է բառ:

Հանձնարարվում է կազմել նոր բառեր՝ փոխելով տրված բառերի նախ՝ առաջին հնչյունը, ապա՝ վերջին հնչյունը:

| | | |
|---|---|---|
| բ | ա | լ |
|---|---|---|

| | | |
|---|---|---|
| մ | ա | գ |
|---|---|---|

| | | |
|---|----|---|
| բ | ու | ն |
|---|----|---|

| | | |
|---|---|---|
| թ | ա | գ |
|---|---|---|

Յուրաքանչյուր խումբ կատարվում է առաջադրանքը: Հարկ եղած դեպքում կատարվում են լրացումներ աշակերտների և ուսուցչի կողմից:

Ֆիզկուլտ դադար:


Գրատախտակին գրված են **դուռ, լուռ, կրունկ** բառերը:

Ուսուցիչ-Կարելի է **դուռ**-ը դարձնել աշխատանքային գործիք, **լուռ** բառը՝ տեղեկություն, իսկ **կրունկ** բառը՝ թռչուն (**դուր, լուր, կրունկ**):

Գուշակած բառերը բոլոր աշակերտները կազմում են անհատական տառադարանով և կարդում:

Կշռադասման փուլ: Գրատախտակին պատկերված է տառերով լամպերի շղթա:

Տրված բառերով հանձնարարում է կազմել նոր բառեր(**խաղային մեթոդ՝ բառքամոցի**):



(**երիտասարդ, ասա, սա, սար, սարդ**)

(**զունավորել, զունավոր, նավ, որ**)

Այս փուլում աշակերտները հանրագումարի են բերում ձեռք բերած գիտելիքները, համակարգում, եզրահանգում, որ՝

Բառը հնչյունների այնպիսի կապակցություն է, որը իմաստ ունի:

Իմացածը ամրապնդելու համար կիրառում ենք *կիրառական ու ճանաչողական* վարժությունների մեթոդը:

Վարժություն 1. Յուրաքանչյուր բառի հնչյունը փոխելով՝ ստանալ նոր բառեր:

| | | |
|---|---|---|
| թ | ա | թ |
|---|---|---|

| | | |
|---|---|---|
| բ | ե | ռ |
|---|---|---|

| | | |
|---|---|---|
| շ | ե | կ |
|---|---|---|

Կիրառելով *խառնված հերթականության* մեթոդը, կատարում ենք վարժությունների համակարգը:

Մեր կողմից կիրառված մեթոդների համակարգը տրվել է դրական արդյունք:

Աշակերտները ավելի ուշադիր են, աշխույժ և ակտիվ մասանկցություն են ցուցաբերել:

-Բաղադրիչների վերածեք տրված բառերը:

մեծ-ա-գույն մաքր-ա-*գր*-ություն

մեծ-ա-քանակ արտ-ա-*գր*-ել

մեծ-ություն ձեռ-ա-*գիր*

մեծ-ա-գիր *գր*-ավոր:

-Կարելի՞ է առանձնացված բաղադրիչները նորից բաժանել:

-Ո՛չ, քանի որ կիմաստագրկվեն: Եթե *մեծ*-ը իմաստ ունի, ապա *մ,ե,ծ* հնչյունները իմաստ չունեն, *գիր* (*գր*) իմաստ ունի, իսկ *գ,ի,ր* հնչյունները իմաստ չունեն: Նշանակում է՝ արմատը բառի այն մասն է, որն այլևս բաղադրիչների չեն վերածվում, եթե վերածենք, կգրկվի իմաստից:

-Ուրեմն արմատի ի՞նչ հատկանիշներ նշեցինք:

-Երկու հատկանիշ, առաջին , որ նրա իմաստը ընդհանուր է մի շարք բառերում, երկրորդ՝ այլևս բաղադրիչների չի բաժանվում:

-Ի՞նչ տարբերություն կա *գիր* և *գր արմատների միջև*:

-*Չր*-ը, *գիր*-ի փոխված (հնչյունափոխված) ձևն է:

-Ուրեմն արմատը քանի՞ ձևով կարող է հանդես գալ:

-Արմատը կարող է երկու ձևով հանդես գալ՝ հնչյունափոխված և չհնչյունափոխված:

Արմատը բառի հիմնական իմաստը արտահայտող մասն է:

Կշռադատման փուլում կատարում են ամրակայող վարժություններ:

1.Գրել հետևյալ բառերի արմատները և տեղադրել *T-աձև աղյուսակի* համապատասխան սյունակներում:

Գնդակ, հանք, բառարան, գրիչ, անխիղճ, ջրային, տնակ, թթենի, դժգույն:

| Հնչյունափոխված արմատներ | Չհնչյունափոխված արմատներ |
|-------------------------|--------------------------|
| | |

2.Գտնել բառերի ընդհանուր արմատները և բառաշարքերին մեկական նույնարմատ բառ ավելացնել:

ա/ ջրմուղ, ջրառատ.....

գ/գլխավոր, գլխաշոր....

բ/հրշեջ, հրանոթ...

Այս բառաշարքերի համեմատության ճանապարհով երեխաները եզրակացնում են, որ յուրաքանչյուր շարքում կա կրկնվող ընդհանուր բառ: Նրանք ուսուցչի օգնությամբ հայտնաբերում են, որ բառի կրկնվող մասի՝ արմատի մեջ արտահայտված է բառի հիմնական իմաստը, այսինքն՝ այն բառի իմաստակիր մասն է: Այստեղից եզրակացնում են.

Բառի այն մասը, որն անփոփոխ կերպով կրկնվում է մի շարք բառերի մեջ և արտահայտում է բառի հիմնական իմաստը, կոչվում է արմատ:

Միննույն արմատից կազմված բառերը կոչվում են նույնարմատ բառեր:

Միայն արմատից կազմված բառերը պարզ բառեր են:

3.Տրված արմատներից նոր բառեր կազմել՝ օր. **նկար, գույն:**

-Ո՞ր բառերն են կազմված միայն արմատից և ի՞նչ են կոչվում այդ բառերը:

Կիրառել **կենսաց ծառի** մեթոդը:

4.Գտնել **հայր** արմատի <<ճյուղերը>> և գրել տետրերում:



Հայր

Իմաստի ընկալման փուլ:

Աշակերտներին հանձնարարվում է դիտարկել գրատախտակին գրված բառերը՝ **արտագրել, անգույն, աշակերտական, քաղաքային, ամանեղեն, դժգոհ, ընդգծել, ուրախություն, դարբնոց, գծավոր:**

-Որոշե՛ք արմատները:

Աշակերտները գտնում են տրված բառերի արմատները:

-Ընդգծե՛ք արմատները:

Ուսուցիչը բացատրում է, որ այդ մասերը ածանցներ են, որ, կցվելով պարզ բառերին, փոփոխում են նրանց իմաստը, նոր բառեր են կազմում:

Գրատախտակին գրվում են պարզ բառեր և զուգահեռ՝ նրանց ածանցավոր ձևերը.

գրել-**արտագրել**, գոհ-**դժգոհ**, գծել-**ընդգծել**, աշակերտ-աշակերտ**ական**, դարբին-**դարբնոց**, ուրախ-**ուրախություն**, գույն-**անգույն**:

Որոշեք գույգերի տարբերությունը: Ի՞նչ փոփոխություն է կրում բառը, երբ նրա վրա ածանց է ավելանում: Աշակերտները դիտում են գույգերը և բացատրում փոփոխությունները: **Ան, դժ**, ածանցները բառին հակառակ իմաստ են տալիս, **արտ**-ը դուրս է նշանակում, **ընդ**-ը՝ տակ, **ոց**-ը՝ տեղ:

-Ուրեմն ածանցն ի՞նչ է անում:

-Ածանցը փոխում է բառի իմաստը:

Կիրառում ենք **խաղային մեթոդ**. առաջարկվում են լեզվական խաղեր:

Խաղ 1-ին

Դասարանը բաժանում ենք 2 կամ 3 խմբի, յուրաքանչյուր խումբ ընտրում է իր ավագին: Խմբի ավագներից մեկն ասում է որևէ ածանց (նախաածանց կամ վերջածանց), իսկ մյուս խմբի անդամները 1 բոլորում ասում և գրատախտակին հաջորդաբար գրում են այդ ածանցով կազմված որքան հնարավոր է շատ բառեր:


Հաղթում է այն խումբը, որը տրված ժամանակահատվածում ավելի շատ բառեր է կազմում:

Խաղ 2-րդ. նույն խմբի ավագները (մայրենի դասագրքի համապատասխան բնագրից կամ ուսուցչի օգնությամբ) ասում են մեկական պարզ բառ, իսկ մյուս խմբի անդամները 1 րոպեում կազմում են բառափնջեր՝ տրված բառերի ածանցներ կցելով:



Կշռադատման փուլ

Գիտելիքների ամրակայման լավագույն միջոց է **Վենի գծապատկերը**:



Այս մեթոդով դրսևորվում են սովորողների լեզվագագացողությունը, լեզվական երևույթները համեմատելու, հակադրելու, առանձնահատկությունները որոշարկելու կարողությունները:

Ուսուցիչը առաջարկում է աշակերտներին.

-Դիտե՛ք ածանցները և որոշե՛ք, թե նրանք բառի որ կողմից են ավելացել:

Աշակերտները տեսնում են, որ ածանցները ավելանում են բառի թե՛ սկզբում, թե՛ վերջում:

Այն մասնիկը, որը, ավելանալով բառին, փոփոխում է նրա իմաստը և նոր բառ է կազմում, կոչվում է ածանց:

Բառի սկզբից ավելացող ածանցը կոչվում է նախաձանց, իսկ բառի վերջից ավելացող ածանցը՝ վերջաձանց:

Ածանց ունեցող բառերը կոչվում են ածանցավոր բառեր:

Կատարվում են ամրակայող վարժություններ:

1.Տրված բառերից ընտրել նախաձանցավոր և վերջաձանցավոր բառեր և գրել T-աձև աղյուսակի համապատասխան սյունակներում:

Գյուղական, դաշտային, արտասահման, ապուշ, ստորջրյա, անտուն, վերադարձ, թևավոր, վարիչ:

| <i>Նախաձանցավոր</i> | <i>Վերջաձանցավոր</i> |
|---------------------|----------------------|
| | |

Տուն, գիր, լույս արմատներով կազմել ածանցավոր բառեր:

Օրինակ՝ տուն-տնային, անտուն...

Խթանման փուլ:

Գրատախտակին գրվում են երկու բառաշարքեր, որոնց բառերի միացումից կարող են ստացվել նորերը:

Գիր տախտակ

խաղ ընկեր

թանաք աման

Իմաստի ընկալում

-Որոշեք՝ ինչպիսի բառեր են տրված բառաշարքերի բառերը:

-Պարզ բառեր են, արմատներն են:

-Առաջին շարքի բառերը միացրեք երկրորդ շարքի բառերին և կարդացեք:

Աշակերտները կարդում են ստացված բառերը և գրում գրատախտակին:

Գիր+տախտակ=գրատախտակ

Երես+պինդ=պնդերես

խաղ+ընկեր=խաղընկեր

թանաք+աման=թանաքաման

Ստացված բառերը քանի՞ արմատից են կազմված:

-Երկու արմատից:

-Բերեք օրինակներ, որտեղ բառերը կազմված են մեկից ավելի արմատներից:

Գրատախտակին գրվում են կազմված բառերը և ընդգծում արմատները:

Թեյաման, քարայծ, դասընկեր, դասամատյան:

Ուսուցչուհին աշակերտների ուշադրությունը բնեռում է երկու արմատների՝ **դաս** և **մատյան** բառերի մեջ ընկած **ա** ձայնավորի վրա: Բացատրում է, որ այդ երկու արմատները կապվում են **ա** հնչյունով, որը կոչվում է **հոդակապ**: Գրատախստակին գրվում են բառեր և որոշում արմատները: Խմբավորում են հոդակապով և անհոդակապ բառերը:

Մոխրագույն, քարածուխ, գետափ, թանկագին, քաջագործ, քաջատողջ, քարաշար, մոխրաման:

Կշռադաստման փուլ:


Համեմատության ճանապարհով երեխաները եզրակացնում են, որ բառերը կարող են կազմված լինել մեկից ավելի արմատից, և այդ արմատները կարող են իրար հետ միանալ **ա** ձայնավորով՝ հոդակապով:

| |
|---------------------------------------------------------------------------------------------------------------------------------------------------------------------------------------------------------------------------------------|
| <p>Մեկից ավելի արմատներից կամ պարզ բառերից կազմված բառը կոչվում է բարդ բառ:</p> <p>Արմատները կամ պարզ բառերը իրար միացնող ա ձայնավորը կոչվում է հոդակապ:</p> <p>Բարդ բառերը լինում են հոդակապով և անհոդակապ:</p> |
|---------------------------------------------------------------------------------------------------------------------------------------------------------------------------------------------------------------------------------------|

Կատարվում են ամրակայող վարժություններ՝ կիրառելով **ճանաչողական և կիրառական** վարժությունների մեթոդը:

Ելնելով բառի կազմության մասին ստացած գիտելիքներից՝ կարելի է կառուցել բառակազմական գծապատկերներ:

Կիրառում են *մոդելավորման մեթոդը*:



Կիրառում ենք *կենսաց ծառի* մեթոդը

Հողագործի փոքրիկ տունը դարձել է հզոր արմատով և առատ ճյուղերով մի այսպիսի ծառ.



Օգտվելով նկարից՝ կազմել ածանցավոր և բարդ բառեր:

Օրինակ՝ *արև+ոտ=արևոտ, արև+մուտք=արևմուտք:*

Կիրառում ենք *հարցարանի* մեթոդը (թեստավորման)

Արտագրի՛ր տեքստը՝ լրացնելով բաց թողնված ջ կամ չ տառերը:

Կեսօրին Երվանդը ի__ավ անդնդախոր կիրճը: Նրա առա__ բացվեց հնայի__ տեսարան: Ծառերը բողբո__ել էին, սառնորակ առուները խոխոջում էին ու բարձրունքից շռտա__յունով թափվում քարերին: Երվանդը գտավ ար__ի բույնը: Որ__ը դատարկ էր: Ծանրաքայլ ու բրդոտ ար__ը հեռացել էր որ__ից և շր__ում էր անտառում:

1.Տեքստից դու՛րս գրիր երկու ածանցավոր բառ: Այդ բառերը բաժանիր բաղադրիչների:

ա. _____

բ. _____

2.Օգտվելով սյունակներում տրված արմատներից և ածանցներից՝ կազմի՛ր ածանցավոր բառեր և գրի՛ր:

Անոց արձակ _____

դժ գոհ _____

ոտ կեղտ _____

ընդ հիվանդ _____

Կիրառված մեթոդները զարգացրին աշակերտների նախաձեռնությունը, ոգևորությունը, հետաքրքրությունը, պահանջմունքը:

Եզրակացություն

Կատարված հետազոտության արդյունքում մենք եկանք այն եզրակացության, որ՝

1.<<Բառագիտություն>> թեմայի դասավանդումը տարրական դպրոցում

նպատակաուղղված է աշակերտի բառապաշարի հարստացմանը, բանավոր և գրավոր խոսքի զարգացմանը:

2.Բառի մասին ուսմունքի յուրացումը արդյունավետ է դառնում դասավանդման համագործակցային մեթոդների գործադրման պայմաններում:

3.Քննադատական մտածողության զարգացման տեխնոլոգիաների կիրառումը հետապնդում է ուսուցողական, իմացական և հաղորդակցական նպատակներ:

Կատարված վերլուծությունների արդյունքները հաստատում են, որ բառագիտության դասավանդումը նոր մեթոդների կիրառությամբ զարգացնում է աշակերտների ոչ միայն լեզվական իմացությունը, այլև նախաձեռնողականությունն ու ինքնուրույնությունը:

4.Պրոբլեմահարույց մեթոդների համադրությունը նախապայման է ստեղծում աշակերտների ուսումնառության գիտակցական, փոխգործուն, ստեղծագործական գործունեության ուղղվածության համար:

5.Բառագիտական գիտելիքների ձեռքբերումը համագործակցային ուսուցման գործընթացը դարձնում է հետաքրքրական , պրոբլեմահարույց, ստեղծում է էմոցիոնալ ֆոն, խթանում միջանձնային հարաբերությունների զարգացումը:

6.Բառագիտական գիտելիքների ընկալումը արդյունավետ է դառնում գործնական ուսուցման, այն է՝ կիրառական, որոնողական, ճանաչողական վարժությունների կատարման ճանապարհով:

Գրականության ցանկ

1. Աբեղյան Մ. «Հայոց լեզվի տեսություն» Երևան, 1965թ., էջ 5:
2. Հայոց լեզու և գրականություն, Հանրակրթական դպրոցի առարկայական չափորոշիչ և ծրագիր, Երևան, «Անտարես. հրատ., 2006թ.»:
3. Ղափանցյան Գ., Ընդհանուր լեզվաբանություն., Երևան, 1939թ., էջ 8: